

استانبولون سلیمانیه مسجدی؛ اسلامی معمارلارین یادیکاری

سلیمانیه مسجدی بؤیوک عثمانلی معماری، «سینان»ین تاپسیز اثریدیر کی عیبادت یئری اولماقدان علاوه، خیریه مرکزی کیمی بوتون دینلرین یوخسوللاریندان حیمایت ائدیر.

فارس خبرگوزاریسینین ترکیه دن وئردیگی گوزاریشه گؤره، سلیمانیه مسجدی استانبول شهرینین جامع مسجدلریندن ساییلیر کی 1550-1557 ایللرینده بؤیوک عثمانلی معماری سینانین الی اینن دوزلیب.

بو مسجدین دوزلمه سی بیرینجی سولطان سلیمانین دستوری ایله باشلاندى. سلیمانیه مسجدینین گونبۇنین اوجالیغی 53 متر و قوطری 27.5 متردیر. عثمانلی معمارلیغینا گؤره بو مسجدین 4 میناره سی وار کی سولطان دستوری اینن دوزلمیش مسجدین علامتی ساییلیر.

اونون معمارلیق سبکی، سینان و عثمانلی معمارلارین ایری ایشلرینه تکی ایسلامی و بیزانس معمارلیق سبکیدیر.

او دؤره نین رسمینه اساساً بو مسجدین اطرافیندا مدرسه، حمام، کیتابخانا، مریضخانا، عمومی آشپزخانا و کروانسرا کیمی جانیبی ساختمانلار دا دوزلتیلر و بو ساختمانلارا «جامی کولیه سی» دئییلر.

بو مسجد عیبادت یئری اولماقدان علاوه خیریه مرکزی ده ساییلیردی. انله کی مین نفردن چوخ یوخسول موسلمان، مسیحی و یهودی اینسانا ریفاهی سیستم حاضیرلیردی.

بو مسجدین دالیسینداکی باغدا بیرینجی سلیمان، اونون آناسی، عیالی و باجیسینین قبری و هابئله ایکینجی سلیمان و ایکینجی احمدین قبری وار.